


# თბილისის სასულიერო აკადემია და სემინარია წარმატებით ჩაერთო Erasmus+ პროგრამაში

## ახალი Erasmus+ პარტნიორობა

თბილისის სასულიერო  
აკადემია და სემინარია

ვარშავის ქრისტიანული  
თეოლოგიის აკადემია



2020-2021 სასწავლო წლიდან თბილისის სასულიერო აკადემია და სემინარია წარმატებით ჩაერთო Erasmus+ პროგრამაში.

Erasmus+ პროგრამის (KA107) ფარგლებში თბილისის სასულიერო აკადემიამ და სემინარიამ სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უნმინდესისა და უნეტარესის, ილია II-ის ლოცვა-კურთხევით სამეცნიერო თანამშრომლობის ხელშეკრულება გააფორმა ვარშავის ქრისტიანული თეოლოგიის აკადემიასთან.

აღნიშნული ხელშეკრულება ითვალისწინებს აკადემიური პერსონალის მობილობას. თანამშრომლობის ფარგლებში მოხდება გამოცდილების ურთიერთგაზიარება, რაც, თავის მხრივ, ხელს შეუწყობს სასულიერო აკადემიის, როგორც მართლმადიდებლური უმაღლესი საღვთისმეტყველო სკოლის აკადემიური პერსონალის კვალიფიკაციის ამაღლებას, უნმინდესი საეკლესიო მოძღვრების – მართლმადიდებლური ღვთისმეტყველების მეცნიერული შესწავლის მიზნით სწავლების მეთოდებისა და პროგრამების დახვეწას.

---

— [tsas.ge](https://tsas.ge)